



TTiPi - TTAPA

1987.ko Apirila

19. zenb.

KORRIKA ADARRA, SUNBILLATIK BORTZIRIETARA

Ttipi-Ttaparen zenbaki honi,
inprimategian azkeneko tokeak ematen ari zizkioten
bitartean, bi urtetik behin

Euskal Herri osoa zeharkatzen duen mobida
monstruosso hori, ziztu bizian dabil,
KORRIKA-KORRIKA, herriz-herri.

Honekin, bigarren edizioa da, KORRIKA gure
eskualdetik pasatzen ez zaigula. Azkenekoa,
Korrika 3 izan bait zen.

Hala ere, Baztangoak eta Doneztebe
aldekoak ez daitezke kexatu.

Baina oraingoan, horra hor,
guk ere geure KORRIKA ADARRA montatu dugula !!
KORRIKA nagusia Baztandik eta Doneztebetik
pasatzen den egun berean, apirilaren 4ean,
Bortziriko AEK-k antolatuta, Sunbilatik hasi eta
Bortziri osoak zeharkatuko dituen
adar bat abiatuko da, akabila Arantzan izanen
duelarik.

Eta lehen edizio hau ongi burutzeko,
ekitaldi mordo bat:

Trikitixak, bertsolariak, herri afaria, dantzaldia.
Aurretik ikusten den giroagatik, izugarrizko
arrakasta izanen duela susmatzen dugu.

EUSKARA, ZEUREA

EUSKARAZ ETA KITTO!!





2. BERRIAK
18. KOMUNALAK GAUR
22. INAUTERIAK
29. KONIKIA (KONTUZ JANAKIEKIA)
40. LAN ISTRIPUAK
43. TETANOS
44. DROGARÍ BURUZ...
48. HERRIKO GAZTEAK NUN?
50. AZKENEKO SASKIGILEAK
52. BORTZIRI?, BORTZIRIAK
54. H₂O
56. IA EZÍNEZKO A MODIOA
58. ANA MAIALEN
60. KEPARÍ
61. TXISTEAK, OLERKIAK
63. KONIKIA
64. ORRÍ BELTZA

A black and white photograph of six men standing in a row, each with a bicycle. They are all wearing white t-shirts with "LOS CICLOCLUBS" printed on them, dark shorts, and white helmets. They are smiling and posing for the camera.

TTIPi-TTAPi

Gainera, ados omen zeuden, Herri Taldekoak diotenarekin, hots, eskol berriak osagarri bezala, frontoi eta jostatzeko instalazio berriak ekarri behar dituela berekin. Hau da, eskola egiten bada, balitekeela ere ondoan kiroletarako instalazio berriak egitea.

Aspaldikoa dugun arazo honek, badirudi soluzioren bat aurkitzea denbora gutti barru. Dakizuenez, hauteskunde munizipalak gainean ditugu eta Nafarroako Gobernutik hasi dira laguntzak eta subentzioak banatzen barra-barra. Hau mixeria!! Beti hauteskundeei esperatu behar, poltroietan daudenak gutaz oroitzeko!!

Aldi honetan suerte onean gaude eta horra hor hasteko 15 milioi eskaintzen dizkigutela gure eskolen (ikastola eta eskolaren) egoera penagarria zuzentzeko.

Lehengo batean, etorri omen dira (ez dakigu ziur nortzuk, ustez goi kargu "politiko-administratibo batzuk") eta Etxalarko eskolen egoera penagarrietaz jabeturik, laster soluzio bat emango diotela ziurtatu dute.

Ziotenez, beraiek dirua lortzeaz arduratuko dira eta Udalak berriz, solarra edo eskola egiteko lurra lortzeaz arduratu behar luke.

Duela hiru hilabete, Etxalarko Udalak, argitaratzen dituen agiriak eta idatziak euskaratzeko itzultzaile bat kontratatun zue-
nean, baziduri-zerbait aldatzen ari zela... guttienez itxuraz.

Jakingo duzuen bezala, orain berri aprobatu zuten Nafarroan, "Ley del Vascuence" delako hori. Horren bultzatzaileak, ez preziki euskaltzale amorratuak, Nafarroa birreuskalduntzeko legea prestatu beharrean, euskarari lege baten bidez, mugak jarri bertzerik ez dizkiote egin. Lege kaxkar horren ondorioz, Nafarroa, hiru zatitan berezi dute.



Mendialde osoa, eta hor dago Etxalar, azken zonalde honetan dago. Beraz, Etxalarko Udalak, lan administratiboetan euskararen erabilera normalizatzeko obligazioa du. Hasteko, legeak agintzen duenez, zonalde euskalduneari dauden herrien izenak, euskal ortografiaren idatziz behar dira. Hau da, Etxalar "tx-kin)

Instituzioekin izan ditzaken harremanak, euskara hutsez izan daitezke. (Diputaziora edo bertze Udalei zuzentzen dizkion paperak). Horrez gain, herritarrok, eskubide guztiak ditugu euskaraz zuzentzeko Udalari eta nola ez, euskaraz hartzeko erantzuna ere. Bertzeak bertze, legeak, gauza horiek betetzera behartzen du Udala.

la, Etxalarren, lege hori ez da
betetzen oso-osorik. Euskara,
bigarren mailako hizkuntza ja-
rraitzen du izaten.

Argitaratzen dituen agiriak
bi hizkuntzetan idatziak daude,
lehenik euskaraz, gero euskaraz.

Inpreso ofizialetako mēbrete-
ak eta Udalak dituen "kuño" guz-
tiak, erdaraz bakarrik daude.

Udal sesioetako paperak, erdaraz bakarrik argitaratzen dituzte. Ostatueta jartzen diren agiriak ere, erdaraz bakarrik.

Ohituraz hartu den besta bat izan zen martxoaren leian Igan-tzin. Hau da, "lehengo gazteen eguna".

Meza ondoren hasi zen eta egu-
neko gauzarik interesgarrieneta-
rikoarekin, emakumezkoen pilota
partidua hain zuzen. Ez genuen,
egia erran, horrelakorik pentsa-
tzen baina lau emakumezko hantxe
jarri zitzaizkigun inongo urduri-
tasunik gabe palaz jokatzten eta
nahiko polita gainera. Honelaxe
jokatu zuten M^a Jesus Zarra eta

Pilota lekuko ospakizunak bukatu ondoren denak Biltokira hurbildu ziren bazkaltzera. Txiki xamarra geratu zitzaigun nahi zuten guztiak sartzeko baina azkenean inor ez zen kanpoan gelditu.

Han, berriro ere, Lazkao Txiki eta Madariaga izan genituen alaitzaile. Lazkao Txiki bere txis-

Ondoren Jaione, herriko trikitilari gazteak jo zuen eta ez nolanahi, arraso poliki baizik.

Eta poliki-poliki giro ede-
rrean, batzuk musez eta bertzeak
partxisez jokatzuz ederki bukatu
zen eguna. Hurrengo urtea arte.

Herriko saneamendua egin ondoren gaizki gelditu ziren karrikak eta pasa den bi asteetan moldatze lanak burutu dituzte. Baze goen horretarako beharra ikaragarritzko zuloak eta saltoak bait zeuden kaleetan zehar. Ongi etorria izan dadila moldaketa.



GOIZUETA



Kruki belea desagertu da.

Agur bero bat Ttipi-Ttapa zale guztiei Goizuetako herritik.

Urte berriarekin batera, notizi berriak ere gertatu dira Goizuetan. Ttipi-Ttapa berriz belarriak erne gure artekoak denori jakin arazteko. Ikusi duzuen bezala, denetatik zerbait badago: herri-tarrak mugitzen direla seinale. Lehenbiziko notiziari ekin baino lehen, abenduko Ttipi-Ttapak harrrera ona izan zuela esan beharra dago, gure neska mutiko dantzarien artean batez ere, beren argazkia atera zelako.

Hara hemen gure lehenbiziko notizia; herriko neska mutikoak kexa daude Benaibordako Kruki belea herrira beraiekin jokatzera jaisten ez delako. Krukik arrunt ongi pasatzen zuen Goizueta zerutik ikusiz, etxeko balkoieta uzten zizkioten janari apurrak janez, umekin jokatuz...

Lehenbiziko notiziaren atzetik, hona hemen bigarrena: lehengo legeari segituz, Bautista Loiarte Zubieta inguru honetan lanean ari den azkeneko erroteria dugu.

Azarotik apirila bitarte lan egiten du Erratetako erroteran. Lanaren truke artoak pixu gale ra egiten duenean laka eta lorma kentzen du eta artoa lehorra dagoenean laka besterik ez. Laka eta lorma aspalditik erabili izan diren neurriak ditugu; laka bi kilo arto hartzen duen kaxula da eta lorma, berriz, kg eta laurdena hartzen duena.

Bigarren notiziaren atzetik eta laugarrenaren aurretik, hementxe duzue hirugarrena: Arano eta Goizuetako herrien lurraldeetan badaude gaur egungo Kanpo Santuen eginkizun berdintsua orain dela 3000 urte betetzen zuten harriz egindako hilobi batzu. Zirkulo formakoak batzu, mahai baten modutxoak besteak. Lehenbizikoak harrespila, lamibaratza, mairubaratza, baratza zaharreko "cromlech" izena dute; bigarrenak trikuharri edo "dolmen" delakoak dira. Kontua da, hauek zer diren jakin arazteko mendian seinaleak patzeko egitasmoa daudela eta lagun talde bat,

lanean hastekotan dagoela Gorosti Natur Zientzi Elkartearen iniziatibaz eta Goizuetako Humore Ona, Elkartea eta Herriko Etxearen laguntzarekin.

Hiru eta lau...hogeitamalau: aurtengo inauteetako mozorroek gerra ezkerotik jantzi ez diren gonekin jantzi ziren. Izan ere, gure inautek gutxi aldatu badira ere, "zagi-dantzan" partaide ziren mozorro batzuen jantziara aldatu egin zen eta, mozorroek, azkeneko urte hauetan baztertuta zegoen usuario zahar honi eutsi nahi izan diote.

Bost, Ezponda zaharraren perrots: Goizuetako herriko kuartelean (Juan Martinezenea) dago notizia. Kuartela, ez duzue jakingo seguru aski, herriak berak eskatuta paratua izaten omen da. 1.914. urteko kontuekin ari naiz eta ez da komeni orduan hartutako erabakiak gaur eguneko ikuspegitik begiratzea, baina hor daukazue datua. Gainera, ura, argia, farmazia eta kuarteleko haurren eskola debalde izatea,



9

TTIPi-TTAPPA

ZUBIETA

Aurtengo negua nahiko zuria izan dugu. Bi aldiz egin du elurra eta oraindik hirugarrena falta omen da. (Erori duk!). Egun batzuetako polita da baina aurten "pasada" bat izan da, dena ormaturik bait zegoen eta oinez edo kotxez ibiltzeko nahiko lan. Zerbait egin behar zen eta nola ez, bandoa "herriko kaleak garbitu behar dira". Etxetik hartu altxurra eta pala eta segi "kaminero" lana egitera.

Batzuek kaleak garbitzen eta herriko artzaiak bordatara ardiak moldatzera. Nahiko lan izan dute artzaiak elur horiekin, bildotsak jaiotzen hasiak eta ezin atera soroetara. Hor ibili behar egun guzian bordara joan, herrira etorri gora eta behera, Armizkoako egur lotea hartu dutenak bezela. Han ere gora eta behera ibili beharko pistaraino egurra ekartzeko. Poliki ibili behar malda txar haletan azidenterik ez izateko, lehenagotik nahiko azidente izanak ditugu herrian eta, batez ere azkeneko hilabete honetan.

Alde batetik Andrea, eskolako autobusetik jeitsi ondoren furgoneta batek jo eta lurrera bota, eskumuturra hautsia. Gero Santi, zuhaitz planta jartzen ari dela belakak "krak" egin eta menisko edo belakuneko esgintzea.

Futbito partidoa jokatzeko ari dela gure Ezekielek kriston ikaria eman zigun; buruan golpe bat hartu eta gero gizona xutik ezin egon, bakarrik sustoa ederra izan zen. Baina hurrengo igandean beste futbito partidok ostiko eder bat eman zioten belaunean Ezekieleri eta berriz ere izorratua gizona.

Beste aldetik Joinas; arto zaka mugitzen ari zela oinak "kras" egin eta "esguince de tobillo". Aste honetan berriz Luis lurrera, eskua handiturik etxera.

Hau duk, hau herriko martxa,
eta oraindik sendatu gabekoak,
adibidez Mikel, Iñaki eta Bena-
tzio: nik uste dut Donaztebeko



Osasun Zentro hori, Zubietan ho-
beki egonen zela.

Eta bukatzeko istripuekin, azken berri bat, Fermineneko Perikok kriston eskapada egin omen du traktorearekin egurra ateratzen ari zela. Beharrik, berak ez du ezer baina traktorea bi pusketan gelditu omen da. Itxoin piska bat Perikok berriaz istripu bat izan du, burni batekin sudurra hautsi.

"IKARAGARRIZKOA"

Zer gertatzen da Zubietako
kUNETekin?. Urtean behin garbi-
tzen dituzte, eta hori garbita-
suna egin dutena!. guttienez.

metro bateko zuloak egiten dituzte. Norbait erortzen bada kunitara, hezur guztiak hautsiko ditu. Jendea ikaratua dago. Kotxe bat etortzen bada "a toda leche" non sartu behar dugu oinez gabil-tzanean?. Kunitak sobera handiak dira han sartzeko. Behin

sartzen bazara, ez zara gehiago aterako handik. Eta zer gertatuko da kotxe bat sartzen bada kune-tan?. Ezta gruak ere ez du atera-ko handik.

Oportunitate hau probetxatzen dut premiazko del bat egiteko txoferrei: mesedez, polikiago ibili zaitezte, Zubietako rektan



BAZTANGO OSASUN ZENTRUA.-

Zentru honetatik, Baztango osasuna bizkortu, indartu eta zaindu nahi da. Erran beharra dagoena zera da, beste herrietako sanitarioak oraindik ez direla hauekin lanean hasi. Eta zenbait gauza

Herritarrei, aseguratuiei, sanitariorak eta azken finean gobernuak, zerbitzu koordinatuak, egoiak eta ahal den eta hoberenak emateko obligazio bait du.

IRRATIA.-

Xorro-xorro-xorro-XIN!!
FM 96 aren inguruan.
Jotake ari da. Antenatik ere
txispak ateratzen zaizkio. Entzu-
ten? Ikusten? Martxa polita dara-
maki.

Baina pena bat, Malda Errekakoak
kexatzen hasi dira, han ez dutela
ko onda hau hartzen. Antenatxo
berri bat paratuz gero... Zenbat
kostatuko ote litzeke? 20.000,
40.000 pzta. Zer da hori, adibi-
dez, Udaletxeentzat? Eta Xorroxin
alde horretan ere entzungo lukete.
Saiatu egin behar!

Azken finean irratia hau benetazkoa bihurtzen ari baita, gero eta kalitate hobe eskeiniz eta programazio oso bat aurrera eramanez.

Xorroxin, xorro-xorro ari baita.
12tan; musika.
12-14 ordutara:
Egunon.
Bitxikeriak.
Berriak.
Gai berezia.
Herrietara deia egin, berta-
ko berriak jakiteko.
Konkurtsoa.

14,30:

Gaiak.

Astelehenetan: Kirolak.

Asteartetan: EHNE eta Sanita-
rioak.

Asteazkenetan: Nekazaritza.

Ostegunetan: Lantokiko arazoak

Ostiraletan: Udaletxeko berria

Larunbatetan: Bertoak.

Larunbatetan ere haurrak era-
maten dute irratsaio berezia.

Igandetan, 12tatik ordubietara
bi pertsona aritzen dira musika
bati eta besteari dedikatuz.

Arratsaldez berriz: Parte hartze
librea. Zenbait lagun edo taldeak
dira arduradun; errate baterako:
Guk, Beti zurruta, Arizkungo Zi-
rrildak, Jarrai, Lanbide Eskola-
koak, 10ak eta pixile, Baztango
zerri bazka, Juana M^a, Elurra,
Xamularrok....



Xorroxin irratia.

KOMUNALAK GAUR

MARIO GABIRIA

ETA

DIPUTAZIOKO

BATEKIN

ELKARRIZKETA

Bi hilabete herri batzuetan, urte bat, bi urte bestetan ari gara, dira, dantzan, lurrak direla eta ez direla, pribatuak edo komunalak.

Asuntoa nahasia, hala fedea! Beitu! Badira lur puxka batzuk paperak, eskriturak, denetik dituztenak pribatuak direla esateko eta hor dator Diputazioa komunalak direla esanaz. Inguru hontako herri batean igual, ez da deus gertatzen, esan nahi dizut, Diputaziokoak datozte heuren mapekin, protesta bat edo beste entzuten da baina tira, handirik ez... Beste batzuetan, berriz, errekurtsio ugari, paperezko mendiak...

Ikusirik, hau ikusirik, Diputaziora jotzea erabaki genuen Ttipi-Ttapakook. Diputazioko ateak. Batean jo, han ez dela! Bestean, egon berria zela gure kontakto hori. Azkenean mahai arteko pasilu aldrebes batetik ailegatu ginen nonbaitera. Lasai esertzeko, itxaroteko, hura zela nahi genuen tipo horren despaxua (bulegoa, aizua!). Jarri ginen, magnetofoiari pilak berritu ondoren eta egon, azaldu arte.

Oraingo honetan ezin kexatu, tipo majua, adinekoa eta lasaia, ez oso magnetofoi zalea baina, beno, holako batean hasi ginen.

Ordu beteko solasaldia izan zen, guk gehien batean entzun egiten genuen. Tarteka galdemoduren bat edo beste ere botaz.

"Diputaziori kezkatzen diona zera da; Komunalak diren lurrak, herriarenak bezala defendituak izatea. Beraz, komunala zaindu egin behar da. Eta ez da gutxi batzuren zaindu izan behar, baizik eta herri guztiarentzako.

Baina zer gertatzen da? (Jarraitzen du erraten Diputazioko tekniko honek) Bada begira, guk jakin nahi dugunean herri bakoitzeko lur komunalak zeintzuk diren ikusten dugu lur anitz aspalditik okupatuak daudela. Hau da, pribatuak bihurtu direla, nagusia dutela. Orduan, guk tekniko bezala ez diogu lur hori kentzen baizik eta erabiltzen uzten diogu. Erabiltze hori, desberdina izango da herri batean edo bestean, zeren eta herri hortako "ordenantzak" aginduko bait du nola izan behar duen; bestalde lur horren tamainoak ere eragin dezake. Dena dela, herriko udalek obligazio hau dute: herriko komunalak inskribatuak edukitzekoa hain zuzen. Baina zoritxarrez, guk badakigu hori ez dela horrela, ez dela egiten. Horregatik, orain hau egiten dugu: herri hotan dagoen dokumentazio zaharrena bilatu, bestalde Diputazio berak katastro zaharrenak ditu, baina zenbait orri, ia herri gehienetakoak, % 90 gutxi gora behera, 1930-1931ean nagusi berak sinatuak. Eta horretaz

aparte, dokumentazio zaharragoa aurkitzen badugu haletara jotzen dugu, haiei kasu egiten diogu. Beraz, komunala zena komunal bezala orain ere izateko.

Ondoren, datu guzti horiekin, herri bakoitzeko mapa bat egiten dugu. Hor agertzen dena eta herrian gaur egun dagoenak ez du inongo antzik ere, noski!

Beraz, herri aurrean azaltzen dugu mapa hori eta etor daitezela kexatzera, benga! Lur bakoitzaren jabea, bere eskritura eta guzti dator askotan arrazoi- ez, lur hori berea dela esanez, ez dela komunala hain zuzen ere.

Orduan informe tekniko bat egiten da, eta hori letratu batzuen eskuetatik pasatu ondoren betirako erabakitzen da zer den lur hori eta aktan gelditzen da. Horrela behingoz bukatu nahi da hainbeste kezka, ezinikusi eta maltzurkeriekin.

Lan hau ordenadoren bidez egiten ari gara eta lurrak nola zatituak dauden paratzen ditugu. Inskribatuak gelditzen dira. Lan hau egin ondoren, ezin da arazorik sortu. Gauza bakoitza bere lekuan egonen baita.



gehiagok bereganatuak zituen, paperetan jarriak, herentzietan... eta hara hor nondik Diputaziotik heldu direla asuntua garbitzera. Printzipioz ez dago gaizki! Baina zera, kezka edo zalantza bagenituela eta, bada ez bada ere eta behin Iruñean ginenez gero ba, Mario Gabiria-rengana jo genuen, gauza hauetaz betidanik kezkatu den soziologo horrengana. Azaldu genion gurea eta luze hitzegin ere, hain luze ze aintzinako egoera jo genuela. Hitz laburretan errateko hara hemen bertako solasak:

"Komunalak zaharrak dira, aspaldiko gauza, lurraldeak sortu baino lenehena-goko gauza eta gaur diren baina ugaria-goak, zabalagoak. Eta komunalekin batera auzolanak, kontzejuko batzarreak hau da elkar bizia zuzentzeko talde sistemak. Beraz, gaur egun ere gu gara, herria hain zuzen ere, nahi duena gorde, galdu edo aldatu erabaki behar duena.

Ehun urte izanen dira, gutxi gora behera, lur komunalak askoz ere ugaria-goak ziren, errotak ere komunalak ziren, herriak egindakoak bait ziren, baita teileriak..... Garai hartako estatuari erregeari, burutu zitzaion pribatizatzea. Heuren ustetan horrela gehiago emanen zutela eta, hemen behintzat saltzera bortxatu zituzten herriko propietate gehientsuenak. Komunalak eta beste gauzak saldu eta kontsejuen martxa aldatu, batzarreak baztertu eta udala buro-

kratizatu, sekretarioak ezarri, modernizatu. Lehengo sistema haiek txarrak zirela, eta batez ere, txarrak baino gehiago, zera ez zirela estatuak nahi zutenarekin bat etortzen, karlistak omen ziren, kaziken eskuetan omen zeuden,politika eztabaida azken funtsean, politika baino eguneroko bizimoduarekin loturik, noski, eta horregatik, egon zen, bertze arrazoen artean, aurkako postura. Nafar herri askotan Iparraldekoetan batez ere, nola edo hala kontra egiten saiatu ziren, eta kasu batzuetan arrakastakin ere. Hau da, garrantzi gehien zituzten gauzak gordetzen saiatu ziren, errotak eta antzekoak, soziedade-ak egiñez, saldutakoa erosiz, berreskuratu. Lurrak, komunalak, ez zuten demanda haundirik izan, iratze lurrak bait ziren gehienak, eta geroakoak gero. Poliki, poliki, erabilpena zela eta, lehen esan dugun bezala, pribatizazio prozesua sortu zen.

Gaur ere, goitik heldu da aldaketa. Zein borondatekin egina den ez dakigu baina intentzio ona dutela esanen dugu. Ez da hori arazo larriena.

Teoriz diputazioak zera nahi du, herrikoa den propietatea berriz herrien eskuetan jarri eta hara hemen. lehenda-biziko galdera, herriaren eskuetan baina herriarekin kontatu gabe, nola?

Bai, gero herri bakoitzak bere ordena-



Saldias.

Ihaute egunak

Nolabaiteko hasiera, ostegunarekin ematen zaie. Egun horretan aretze bat hiltzen baita. 500 kilo ingurukoa izaten da eta gehienetan herritar bateri erosten zaio. Gauetz, "puska" biltzera ateratzen dira. "Puska" biltze hori gauero egiten den gira da, Iturengo herrian eta Lasaga auzoan. Joaldunak gerrian larruak, joariak paratu eta isipua eskuan ateratzen dira, heurenkin batera beste bi lagun, saskia eramanaz. Etxe bakotzetik pasatuz, ohitura den bezala arrautzak biltzen dira. Bitartean, sukaldariak afaria prestatuz doaz; gau horretan ez da jende anitz biltzen 15 bat lagun, eta gehienetan mutilak bakarrik. Afari horretan aretsiaren gibela eta jaten dira.

Benetakoa besta giroa larunbata
arratsean hasten da, puska bil-
tzaileak, soinujotzailea ere heu-
ren gibeletik doalarik, herriri
buelta ematen diote. Bitartean,
jendea poliki-poliki ostatuan bil-
duz joaten da, ondoren afaltzera
igotzeko.

Otorduak, herriko etxeko saloi handi batean egiten dira. 40-60 lagun aise elkartzuz. Egun hauetan ezin da deus ere aurrez eratu, egun batetik bestera desberdintasun anitz izaten ahal bait dira. Gauzak sortu egiten dira, jokuak, a-bestiak, antzerkia, irria, bertsoak, joariak paratzea... Hala ere, bazkal eta afal oïdoren, soinu-jotzailea aritzen da eta mahai bat erretiratur, jendea dantzan: zortzikoak, arin-arinak, tangoak, baltsak, rock eta guzti.

Igandean, astelehenean, astear-
tean eta asteazkenean, gosaltzera
ere joaten dira, hortarako ez dago
ordu seinalaturik, etorri hala e-
giten bait dute.

Arratsalde, eta goiko alde horretako jendea harat-honat hasten denean, soinu jotzailea arkupeta jeisten da. Orduan, dantza "publikoa" bihurtzen da. Herrikoak eta kanpokoak aritzeko moduan.

Ezaugarri hauek egunero gertatzen direnak izanen dira.

Astelenaren berezitasuna zera da: bertako joaldunak Zubieta eta Aurtizkoen bila ateratzen direla. Joariak paratzea herriko etxean izaten da. Denak, heuren larruak gerrian eta bizkarrean eramanez, bi joari handi eta bertze bi txiki, isipua, painueloa lepo ondoan, gonak, albarkak, zapin xuriak, galtza urdinak eta ttuntturruaz jantzita ateratzen dira. Pausoari eutsiz Lasagako muturreraino. Han elkartzeko beste joaldunekin eta Iturengo herriri buelta ematen diote. Herriko etxean salda hartu eta gero berriz ere itzultzeko. Egun horretan, mozturro, karroza eta herritar pranko izaten da (turistak ere bai). Bertakoak, Aurtiz eta Zubietakoak. Egun honetan Iturengoak doaz aintzinean, eta hauek markatzen dute pausoa. Erran beharra dago, herri bakoitzak bere pauso berezia duela.

Asteartean, Iturengoak Aurtizera eta hemengo buelta egin ondoren, salda hartu eta Zubietara joaten dira. Zubietakoak bidera ateratzen dira eta heuren gibeletik, zubitik barrena herrian sartu. Herriko gira egin ondoren, joaldunei piper-opilak ematen zaizkie eta herriko etxean salda. Ondoren itzultzeko.



guztien artean. Asteartea zen, Zubietara joateko eguna. Zubietara? Zergatik ez? Inork ez zuen deus ere erraten. Emakumezko horien burutan berriz: "Gauza izanen ote gara buelta hori egiteko? Haurrak ere egiten badute gu ez ote gara kapazak izanen? Ez ta aia! bat ere, gustokoa dugun gogo hau bete. Gero gerokoak. Ihautea eroa omen zen eta aintzinera!

Betidanik, Joaldun "ofizialak" gizonezkoak izan dira. Hala ere, orain dela urte batzutatik honat emakumezkoak ere aritu izan dira. Beti gauez, gauez baino hobeki erran da, goizaldera. Joariak paratzeko gizonezkoen laguntzarekin kontatuz. Larruak, joariak paratu eta pausoa hartzen aritu, hor ostatu gain horretan. Behin lotsak kenduz gero kalera ateratzeko eta herriri buelta emateko.

Inora begiratu gabe, joaldunen munduan sartu, beno begiratu? Aintzina doan joaldunaren pausoari heldu eta eutsiz. "Joariak jotzen ote ditut?" Joaldun berri guztien bildur bera. Behin galdemodu horretaz atzenduz gero, bat galdu egiten da bram-bram horren barruan eta Mendaurren gonon azpian.

Thauteriak... indar berritzen ari
ote?

Emakumezko joaldunak?

A.Z.



Zubietarra

XX mende altura honetan ez gara hasiko -telebisio eta direla jendeak nola jazten den esaten, edo zein tipotako joaldunak diren zubietarrak. Onenak! Urte batzuk direla (1970) aritzen zen hemendik Caro Baroja eta horrek idatzitakoak hortxe dira: "Una fiesta de buena vecindad", SOBRE LA RELIGION ANTIGUA Y EL CALENDARIO DEL PUEBLO VASCO liburuan.

1970etik 1987ra ez dira gauza asko aldatu, kanbitu, eta gutxi gora behera ohiturak mantendu dira. Hara nola ikusi dituen zubietar batek aurtengoak:

INOTIK-IHAUTERIAK

Urtero bezala Zubietan inotik ospatu ditugu, lehendabizikoak hain zuzen, eta martxa, martxa, martxa...

Nahiz eta orain urtarrilaren azkeneneko igandean izan, aipatu nahi nuke, ohitura, San Anton egunean ermitan meza entzun ondoren itundarrekin eguna erabakitzea zela.

Normalki bi edo hiru egun aurretik preparaketak hasten dira, beti presaka, hau istilua; derrigorrez eraketa laster egiten da, elkartu, solastu, amorratu eta nork berak ahaleginak eginaz noski!! Garai batetik honantz lehendabizi txabo-

la txukun bat egiten da, bertan adinekoak pentsio gisa, lau egunak parrandan igarotzen dituzte; txabola honen ezaugarriak: ohizko baserrin itxura, piperopilak, artopilak eta bertan erretzen den taloa, gazta, txistorra edo txingarrekin dira. Berehala itzulipurdika karrozaren bat eraikitzen saiatzen gara, ganbarako kutxa zaharreko osagaiekin, burni, adar, egur, arropa eta abarrekin, gure ganbarak kokotaraino beterik egoten dira, ez dakit antikuarien gisa erlikiak gorde nahirik edo hiriko trastero izenekoan gisa, hala ere norbaiten (edonoren) irudimen argitsuekin mota askoko aukera azaltzen dira, baina astia!! Zer edo zer hasi, ... apainketak, mailukadak buila gehien, gorabeherak, zalantzak, akatsak eta ondorioa...Alde batetik, ardi borda, artzai, ardi, iratze, eta bildotx, Indiar kultur errepresentazioa, bi metroko aker adardun dotorea bere umetxoarekin. Hara nondik ikuslei agertzen zaien, heuren usaimena zorrotza neurtzeko aukera (disimulatu ezineko usai botatzen bait zuen) giroa kutsaturik utzi zuen, niretzat behintzat; eta nola ez ba... ttorrotta erranta botatzailea, palasta hemendik, palasta handik. Beldur naiz denak dakigun horrek betirako atsedena oraindik ezin hartu duen... larra, zer? eta mozorroak, izkin guztitik bueltaka, nork berak bere irudimenen arabera, dardarka, garrasika, zakarkerin, tresnak arrastan, hantza duenez arbasoen izakera eta sinesmenari lotuta daude batez ere, indar madarikatuen ikareria.



nean dantza egin behar, besteen aurrean, gazteetako bat lagun edo etsaia zuela. Sasoez erakutsi behar zenbat eta salto handiagoak, hobe. Bukatzeko ere, mahaitik salto handi batez jautsi behar. Horrelakorik egin nahi ez zutenak, bi litro ardo pagatu behar zuten.

Gazteetan sartuta bete behar ziren lege asko edo kastigatuak izaten ziren. Mutilek bazuten kastigu bat. Inñoti arratsalde batean ez baziren bezperatararen etortzen -arrasorioara"- moxorroz jantzi egin behar zuten, bere joariakin, eta eskola atarira, presentatzera, joan, edo hamar sos pagatu behar.

Iñotitan, arditara joateko ere baime-
na eskatu behar zuten multarik gabe li-
bratzeko, eta gero gainera beste gauza,
koadrila guzikoak elkarrekin zortziko
dantzan, eta jotan, aditu behar ziren
eta aritzen ez ba zen bat, litro bat
ardo zigorra bezala.

Mendiak zirenak ere, etortzeko obli-
gazio gisa zuten eta etortzerik ez bazu-
ten, bi pezeta bidali behar zuten beste
batekin eta bi urtez hutseginez gero,
fuera!

Hau dena esaten zigunari galdetu ge-
nion:

- Zer ziren, onak edo txarrak gauza horiek?
- Onak izanen baziren ez zuten utziko, eta utziak dira!

Gazteetatik aparte ez zen deus. Den dena beuren baimenetik pasatzen zen. Iñotetan, mozorrotu egin behar bazen gazteren bat, oraindik sartzekoa zela, baimena eskatu eta bost sos ordaindu behar zuten -gero ematen zieten baso bat ardo edo- Hala eta guztiz ez ziren beti ongi libratzen zeren, Iñotitan, "a hostia limpia" aritzen ziren. Haur eta emakumeak balkoietatik ikusi behar zuten dena eta etxera joateko izkutuan ibili behar... gazteek harrapatu ezkerro, fuego, jotake.

- Behin suge batekin urratu ziguten
-esaten zigun kontatzen zigunak-. Gaz-
teetan sartzekorik ginela, pagatu baime-
na eta mozorrotu eta hala eta guziz,
batzuk harrapatu eta borda baten bilatu-
tako suge batez urratu ziguten.

Emakume bateri galdetu genion:
 - Ez zineten ateratzen?
 - Ateri? -erantzun zigun- Betixu haien artakan? Urratuko ziguten!

Komo kanbian los tiempos
 Don Martzelino
 las txikas en las taskas
 bebiendo bino, ay, ay. ay. bebiendo bino!

Ez ziren ez, emakumeak ateratzen. Le-
 hiora edo balkoira eta kitto. Dantzara
 ere, segun eta nola. Sokadantzan bai,
 painueloetatik hartuz, zortzikoan ez.
 Zortzikoan nahiko berandu hasi omen zi-
 ren eta, esaten dutenez, ijito batek,
 Zubietan bizi den ijitua, bultzaturik.
 Beste batzuek esaten dute, berriz, ema-
 kumeak galtzak jazten hasi zirenean zor-
 tzikoa hasi zirela Zubietan.

Dena dela, zerako zera hori izandu
 du beti Zubietako iñotiak, batzuek astak-
 eria deitzen dutena, besteek, amoroski
 zerako zera. Ondarreko eguna omen zen
 haundiena, explosiokua. Bere tenorian
 egiten zenean errauts egun bezperan egi-
 ten zen eta orduan izaten zen larra ka-
 rruka ekartzea, sua ematea eta herri
 guztia errautsez betetzea, apezai ain-
 tzina harturik.

Eta 1987ko urtekoak?

Nola aldatzen diren gauzak,
 nola aldatzen diren gauzak,
 nola aldatzen diren gauzak
 KAMARADA

Hilabete bi pasa direla, gaur dugu
 balantze egiteko eguna: joaldun urruxena
 (amore guziakin esanda). Zubietatik be-
 giratzen dugu, dudarik gabe! Hura izan
 zen sorpresa! Balantzea bi pusketan egi-
 nen dugu, bata eta bia, ondorio onak
 eta susmo txarrak.

1.- Ondorio onak

Ez da gaurkoa atso batzuen gogoa, joe-
 ra, joariak jotzeko zera hori. Baita
 aritu ere, Iturengo eta Zubietako gau
 batzuek kolunkatzen. Nola pentsa, horre-
 la egin!

Zubietan ez dirudi egunaz kaleratzeko
 gogoarekin geratzen direnik, nonbait
 hori attunentzat uzten dutelako lasai,
 baina Ittunan bai. Batzuek bazuten go-
 goa. Gogoa jotzeko eta eskubidea hori
 erabiltzeko. Ezagunak eta askotan hutsak



diren hitz horietako batekin esateko,
 feministak? Jesus Maria eta Jose! Hemen
 ere? Bai ba.

Egin dute. Bidea ireki dute. Zorionak
 tradizioa mantentzeko izan dezakeen la-
 guntza horregatik!

Egon zen norbait tradizioa puskatzea
 zela esaten zuena, baina tronpatu dela
 espero dugu. Benetan, hala espero!

2.- Susmo txarrak.

Ituren eta Zubieta / Zubieta eta Itu-
 ren.

Badakizue nola izaten den, ez? Nolakoa
 lagun eta etsaia. Hortaz, ez dakigu noiz
 baino ohitura sortu zuten. Eta mantendu
 nahi. Hori bai, urte batean ez dakit
 zer, hurrengoan badakit zer.

Total, batek baino gehiagok pentsa-
 tu zuela hura gusto txarreko broma izan
 zela.

Nola ez? Ordu terdi espero eduki be-
 har da jendairak! Arrazu pare hortan.
 Eta ez esperuan eduki bakarrik. Gero,
 inork deus jakin gabe, zas! lau joare
 haundiko joaldunak ote dira han urruti
 datoztenak? Eta hemengoak, bi joare eta
 bi pulunpakoak denak! Ai ama!

Ez da, ez, joare edo pulunpa eztabai-
 da, aurrekoa edo behekoa, nola elkarta-
 sun giro hori mejotu baizik.

Hortaz, susmo txarra ekarri zuen itxo-
 in beharrak, eta susmo txarra ere aste-
 artean joaldun berriak agertzea.

Gora iñotik eta joaldunak! Eta herri-

Por ziertol! Ez dakigu noren errua den Heren-go txorrada hura, Zubieta eta Iturenen arteko ezin ikusia dagoela esate hura zeren, Zubietan bederen, denak bi begikoak bait gara, politagoak edoitsuagoak baina bi begikoak denak. Tartamutuak edo gorrak baliteke, itsuarik ez! Begi zorrotzak gainera! Hortaz, Ittundarrak beti begi bistan!.

ihauteriak

Egitaraua ez da gehiegi aldatu; baina, bai "zahi-dantzari" partaide ziren moztar batzuen jantziak.



Astearte arratsaldean, "sei mozorro" ateratzen ziren heuren maki-
lekin; beste "bi" eskean, eta "za-
hia".


Gaur egun, sei mozorro horiek
"gizonez" jantziak ikusten ditu-
gu... Lehen, berriz, hiru mutil
"galtzadunak", eta beste hiruak
"gonagoruntz" jantziak agertzen
ziren. "Gizonezkoak", galtzazuri
ordez, "prakak" edo "kantzontzi-
llo" luzeak ere erabiltzen zituz-
ten, batzutan. Beste hiruak, be-
rriz, eskarpin zuriak lokarri-go-
rriz; zurmiorainoko gona luzeak,
"farfailuz" edo puntillaz apain-
duak belaupeko bi lerrotan eta
beheko ertzean. Gerrikoz, zinta
gorria saietetik korapilatua;
eta soinean, "txanbra" edo brusa
zuri mauke-luze, eskumuturretan
"farfailuz" apaindua. Zapi gorria
lepoan, eta buruan, zapela paper
dirdairuz josia. Bi "puska-bil-
tzaileak", zapela ordez "tuntu-
rru-zuriz" nabaritzen ziren.

"Zahia", berriz, gaurko gisan:
dikazkinen aurpegi beltza, buzo za-
bala belarrez betea, abarkak, za-
hia bizkarrean ongi lotua, eta
atzetik, zintzilik joarea. "Musi-
ka", txistu eta danbolina.

Beste "ohitura" batzuen artean,
aipagarri da, noski, "astearteko
jaki berexia": zerriaren "xango-
belarri", gazitan jasoak, saltsa
goxoan maneatuak...

Hau da, Goizuetako Iñauteriaz
nik jaso dudana. Beste zerbait
dakienak, adieraz dezala.

Joxe-Xabier Etxeberria



Hiru Goizuetar xomorro iñotetan.

GOIZUETAKO IÑOTEAK

Kaixo! Ni Susana naiz eta gure herri-
ko iñotei buruz hitzegitera etorri naiz.

Nire herriko iñotek arrunt politak
dira; denak mozorrotu egiten gara era
askotara. Guri gehien gustatzen zaiguna
zagi dantza da. Honek zera adierazten
du: gizon bat menditik etorri dela, i-
kazkintza lanetatik. Aurpegi guztia bel-
tzez eginda dauka mehategitan lan egiten
duelako. Herrira ailegatu eta hemen moz-
kortu egiten da. Orduan hemengo jendeak
zagi bat patzen dio bizkarrean eta hau
neska guztien atzetik ibiltzen da aurpe-
gia beltzatu nahiean.

Urte askotan egin izandu da gauza be-
ra eta nik uste dut horrela segituko
duela.

Nire herrian ere mozorroak baserriz-
baserri ibiltzen dira dantzan eta goi-
zean pixka bat edanak etortzen dira.


Hemen den gauzik politena guk ematen
dugun giroa da, eta gure hurrengoak ere
hala egin beharko lukete.

Susana Tato Zabaleta.

7. maila Goizuetako Eskolan.



TTPI-TTATA



Lesaka

Lesakako inauterietaz galdetzen badi-
zu Lesakar bateri, ziur nago berehala
erantzungo duela gauzik ikusgarriena
zakozahar dela.

Zer da hau?, Nondik dator? E.a., ba hori zailagoa da, oraindik ez da inor horri erantzun dionik, eta baldin bada, ba jakin nahi nuke nondik sortu zen.

Dena den lehen ateratzen omen ziren, gero gerra garaian debekatu omen zituzten baina berriro berreskuratu ziren eta aurrera jarraitzen dute gero eta indar gehiagorekin.

Aurten ere 24 gizaseme atera dira eta beharbada datorren urtean gehiago, zeren jende pila bat gelditu da ateratzeko gogoakin. Gainbegirada bat eman ondoren honi buruz, erran dezakegu hauek zakoz jazten direla barrenean belarra eramatean dutelarik, beraz ez dute hotzik pasatzen, gero herrian zehar ibiltzen dira soinuaren ritmoan.



Gero plazan bukatzen dute haurrek zako eta belarrak kentzen dizkiotelarik, hori izaten da azkeneko tokea, barra bati heltzendiote lurrera ez erortzeko eta hortxe jo ta ke haurrek belarra kendu eta zabaltzen.

Eskutan, lehen aiantzi naiz, zerri pizontzi bat daramate inguruko jendeari arrolaldi bat emateko, behar bada bat baino gehiagok gaizki hartuko du baina nork daki, barrengo erretasuna kentzen ez dutenik horrela.

Beno hori da zako-zaharrak eskeintzen duten giroa.

Beste egunekin jarraituz, herrian ze-
har karrozak ateratzen dira eta aipatuko
dugu ugaritzen ari direla urtetik urtera
karroza ateratze horiek.

Gero baserrietan zehar ibiltzen diren taldeak ere ez ditugu ahantziko, zeren hauek ere ihauterietan parte hartzen dute, bertze era batetan.

Hauek hiru taldetan banatzen dira:

- Fraindarrak (Frain, Izotzaldea)
- Goitarrak (San Anton)
- Nabaztarrak (Nabaz)

Eskean ibiltzeko ohitura dute hauek eta bere akordeoi, trikitixa eta abarrek hortxe ibiltzen dira erratzaren aurretik eta ez badituzte betetzen jarritako baldintzak erratzaren pasada bat hartuko dute nahi badute edo ez. Dena den herri bakoitzak ohitura zaharrak jarraitzen saiatzen da eta hemen batez ere, zeren nabarmentzen dira giro desberdinak, alde batetik karrozak eta bertze aldetik betidanik egin diren ekin-tzak (baserritarrenak).

Etxalar

Denborak aldatuz doaz eta beraiekin aldatzen dira ere, herritarren bizimoduak, ohiturak... iñautiak.

Gaur egun Etxalarren ezagutzen ditugun inautiak deus gutti dute antzeko, orain dela hirurogei urte ospatzen zituztene-kin. "Carnaval en Navarra" liburuan, Nafarroako inauterien bereiztasunak azaltzen dira eta, horra zer dion Etxalarren ospatze! zirenetaz.

Bertze herrietan bezala, Etxalarko iñautiak ere, pertsonai berezi bat bazuten, moruak. Herriko gazteak, (mutilak bakarrik), ziren pertsonai honeri bizia ematen ziotenak. Aurpegia pintatuaz edo trapu batekin gordeaz eta makila bat zerri pixakiakin edo isatsa batez baliatuz biltzen ziren herriko plazan arratsaldean.

Erran behar, iñautiak aintzinako igandean hasten zirela. Igande horretan, bertze igande guztietan bezala, arratsalde apalean, Herriko bandarekin dantzaldia izaten zen herriko plazan. Igande horretan jadanik, agertzen ziren moruak dantzaldira, handik zebiltzan haurrak zirikatzaera, pixakiakin joz. Haurrek berriz, "moro moro tirititoro adar okerra..." ohiukatuz zirikatzen zieten.

Dantzaldiak beti, ilun ezkilak jo arte irauten zuten, eta orduan, neskek etxeratzen ziren eta gainontzekoak, gazteak eta moruak, afaltzera joaten ziren ostatu batetara. Afalondoan dantzaldia izaten zen berrir.

Ortzegun-gizen egunak berri, ez du
ia inolako aldaketarik ezagutu. Seguras-
ki, eskean ibiltzen ziren haurrak,
gehien bat baserrietan ibiliko ziren
eta ez bakarrik karrikan.

Igandea edo zaldun-iauti egunean, ohitura zen bezala dantzaldia izaten zen herriko plazan. Lau mutilen artean eta ardo garrafoi pare batekin, han ibiltzen ziren bueltaka ardoa eskeiniz jendeari. Astelehenean berriz, orain bezala, eskean ibiltzeko eguna zen. Goizean, iañauteritako koadrila, baserrietan barna ibiltzeko prestatzen zen eta beraien honako bandera hau eramaten zuten "viva la juventud y unión echalartarra".




Baserrietara esku-dantza arin bat dantzatzuz hurbiltzen ziren, ate ondoan "iñauti-iñauti zingar arraultze bat ez bada bertze" kantatzuz eta jota pare bat dantzatzuz.

Arratsaldeko hiruak aldera herrirako bidea hartzen zuten, ostatuan bazkaltzeko. Arratsaldez eta gauetz, dantzaldia ilun ezkilak jo arte eta ondotik afaria.

Astearte iñauti egunean karrikan bakarririk ibiltzen ziren eskean. Bederatzia aldera, gazte kuadrilak ostatuan biltzen ziren, bakoitza nahi zuen bezala mozturratua. Egun horretan, moruak, ezpelaz apaindutako karroza batekin ibiltzen ziren karrikan. Karroza behi pare batekin eramaten zuten eta gainean akordeoilaria eta damalaiak joaten ziren. Damalaiak, neska mutilaz osatutako bikotea ziren, eta urtero dantzari hoberenen artean hautatzen zituzten. Herriko lau auzoetan barna ibiltzen ziren eta auzo bakoitzean gelditu eta damalaiak jota bat dantzatzen zuten. Eguerdian bazkaria eta gero aintzinako egunetan bezala besta berandu arte.

Baina inautiak ez ziren asteartean bukatzen. Asteazkenean edo hauts egunean ematen zaien bukaera. Goizean mezara joan, hautsa hartu eta sekulako bazkaria egin ondoren, urteko bestak antolatzeako mayordomoak hautatzen zituzten. Hauek izanen zire,urte batez, bestak antolatzeako arduradunak.

Hasieran erran dugun bezala, gaur egungo inñautiak ez dira orain dela hirurogei urtekoak bezalakoak. Hala ere, urtetik urtera indarberritzen ari dira. Orain etxalartarren eskutan dago pertsonai hau berreskuratzea.



ziren soñulariak jarritako doinuaren arabera, "zareroa" saski haundi batekin eskesariak biltzen zituen atera hurbildu eta "puska-puska" ohiukatzeari ekiten zion bitartean. Eskesaria gehienetan arraultzak eta urdaia izaten bide ziren eta, inoiz behin, diru apurrenbat ere bai. Zenbait etxetan berriz, beti etxe beretsutan, usadio zaharrari jarraikiz, barrena sartu eta gosaltzera, hamaketakoa edo bazkaltzera ematen zieten orduaren arabera. Horrela ibili ohi ziren etxez-etxe arratsaldeko lehen orduan, Meakan, bi taldeak elkartu arte. Behin han, dantza egiten omen zuten ez denak ziur aski, gaur gertatzen den legez orduan ere baten batzu, burua argi eta gorputzari tinko eusteko gehiegi edaten omen zuten eta. Hiruzpalau dantza mota dantzatu bide zituzten; dantzaluzea, aurrezkua, esku-dantza etab... herrira itzuli aintzinatik.

Herrira itzulitakoan, bildutako guzia herriko etxean kokaturiko ostatuan utziko zuten, ostalariak ondorengo otorduak prestatu ahal izateko eta, iluna baino lehen musika soinua hasiko zen plazan, baserrietatik bildutako jendeak dantzatu eta jostatu ahal izateko.

Orduan, eguna eta gaua elkarrekin gurutzatzen diren unean, ilunabarrean inauteetako bertze osagarria agertzen zen: "Mozorro beltzak".

[illegible]

TTiPi-TTAPPA

teak garai baten amaiera eta bes-
tearen haseran egiten direnez, he-
riotza eta jaiotza, neguak daka-
rren heriotza gainditu eta udabe-
rriak ekartzen duen loratzearen
arteko kontraposizioa suposatzen
duenez, labrantzarako kaltegarri-
tzat zituzten pizti hauek bil eta
aro berria garbi hasi nahi zuten.
Urte zaharreko okerrak zuzendu be-
har ziren demonio eta pekatuak al-
denduz, eta piztiak ziren errudun-
tzat hartzen zituztenak, horrela
aro berria indarberritu eta garbi-
rik hasi ahal izateko.

Harira itzuliz, inaute eguna
ilun eskilarekin bukatzen zen,
plazako musika bederen, mozzorroak
jarraitzen baitzuten herrikoetxean
afaldu ondoren ere.

"Inaute motx" egunean, "mozorro zuriak" janzkera bereziarekin aterako ziren goizean lehen orduan. Guk ezagutzerik izan ez dugun traje hori guztiz berezia izaten omen zen, kolore anitz eta egitura berezikoa, berari garrantzi izugarria ematen ziotelarik. Gazteren batek edozer arrazoigatik mozorro uzten zioenean, lagun edo ezagun bati pasatzen omen zion berria egitea aunitz kostatzen zelako. (Erran didatenez baten bat izan behar omen du hor barna eta ez litzateke astakeria izanen berriro eskuratzea.) Gero herrian dauden etxeetan eskean ibiliko ziren, bezperan baserririk baserri ibilitako era berdinean. Arratsaldeko lehen orduan ospatuko zen inautetako ikuskizunik jendetsu eta ikusgarriena. Laurak aldera bilduko ziren herritar gehienak herriko enparantzan mozorro eta neskek egiten zituzten dantzak ikustera: Dantzaluzea, neska-dantza, ezpata-dantza, esku-dantza etab... Ondoren zahar eta gazte, denak batera ekiten zioten dantzatzeari izan ere, "zareroak" ardo eta ogia debalde -mozorroen kontura- banatzen baitzuten gogoan zuen guziari eta edanak konplejoak aldatzen baititu. "Mozorro beltzak" ere ir-tengo ziren bezperan bezalaxe, eta ilunezkilak jotzean bukatuko zen soinu-joleen plazako zeregina, nahiz eta herrikoetxeko ostatuan

Niri kontu hauek kontatu dizki-
danak azaldu zidanez, berak ezagu-
tu ez bazuen ere inaute azken egu-
nean "karroza" bat ateratzen omen
zen dena sagu, arratoi, sator eta-
barrez betea zeinak erre egiten
zituzten inauteen bukaeran. Inau-



afaldu eta inauteetako kontuak egin eta ordaindu ondoren luzaroan ihardun behar izaten zuten, izan ere, Austerri egunean eta berrogei egunez Bazko eguna arte ez baitzen igandeetan soinuak izanen herrian eta jendeak probextu nahi izaten omen zuen gau hura ahalik eta ongien.

Lehen aipatu dudan bezala, gerra izan da Inauteentzako oztoporik nagusia, urte mordoxketan ez baitzen ospatzerin izan. Berririo hasi zirenean, diktaduraren aginduz izena ere aldatu nahi izan zioten, "Fiestas de Primavera" deitu araziz eta mozorrotzea ere debekatuz. Egia erran, denboraren joanean Inaute zentzua galtzen joan da, nolabait bestaren ezaugarri berdintsuez jazten joan delarik.

Orain ez dira Austerri aintzina-ko asteburuan ospatzen eta, bidezkoa da, ondorengo herri haundiagotan hola ospatzen baitira eta jendeak ez aldegitearren egin ohi dira hamabosten bat egun lehenago.

Egunak ere gehitu ditugu, lau egun ospatzen baititugu, ostegunean hasi eta igandera arte. Zenbait gauzetan usadio zaharrei jarraitzen diogu, baserrietako ibilera era berdintsuan egiten baitugu. Lehen eguna, osteguna, izaten da eginkizun horretarako eta egun hau izaten dugu "Mozorro zuriak" gustokoen, baserriz-baserri nahiko jan, edan, jostatu eta broma eginez egun atsegina pasatzen baitugu. Bigarren egunean herrian ibiltzen gara eskean, iada zuriz jantziak, bezperako era berdintsuan. Larunbata eta igandea ere herrian pasatu ohi ditugu, hara-honatean, dantza eta tragoan. Lau egunetan izaten da soina herriko plazan, ilunabarrean hasi eta gaua aintzindu artean, eta igandez beste ikuskizunak ere bai; bertsolari, herri-kirolak etab...

Kontu aipagarri gisa, duela laupabost urte eta bi urtez garraian, antzerki antzeko bi saio egin genituen; "Jomeniren etorrera" eta

"Zorriak kanpora" izan zuten izenburutzat. Gaiak geronek prestatzen genituen eta edukia herriko pertsonai publikoren batean oinarritzen zen. Ez dakit kritika zorrotzegia egiten genuelako edo herri hau kritika jasotzeko prestaturik ez dagoelako, gaizki bukatu genuen, haserre bizian.

Ene uste apalean, Arantzako inauteriak badute hobetzerik eta hau diodanean batez ere bi gauza azpimarratu nahi nituzke. Jendearen partaidetza urria denaren eritzikoa naiz. "Mozorro zuri" taldean ateratzen garenok bakarrik hartzen dugu parte betebeteen eta ez gara multzo haundia izaten. Gainera, hemen ez dugu oraindik lehengo tradiziozko hautsi, izan ere, era zaharrari eutsiz, ez baita ez emakumezkoen ez ezkonduzko ateratzen eta komedi litizateke behingoz konplejo tontoak apurtzen joatea. Inauteak aurrerantzean ere ospatzen segitzekotan, gaztedi osoaren partaidetzarekin izan beharko du eta osoa diodanean, neskatx eta mutil, denak erran nahi dut.

Bigarren gauza aipatu nahi nukeena zera litizateke: Inauteen berezko kutsua eskuratzea. Izan ere, Inauteen grazia horretan bait datza, mozorrotzean batez ere, nahiz zuri zein beltzean. Eta alderdi honetan eredutzat lehengo garaiak hartu beharko genituzke, nahiz eta aunitzek diotenaren kontrari iragana hobe izan dela ez sinistu, izan ere joandako garaik hobeak eta txarrak baino desberdinak besterik ez baitira izan. Bakoitzari berea eman behar zaio ordea, eta mozorrotzeko ohitura, guk ikusteko aukerarik izan ez dugun dantza berezieki zaletasuna eta aipaturiko traje hori eskuratzea ez litizateke astakeria.

Hona bada ene eritzia. Inaute atseginak egin daitezkelakoan nago, estomaka jaten guttixiengo bortsatu eta irudimena lantzen burua gehixeago nekatzen badugu batez ere.


ASSURA



KONTUZ JANARIAREKIN !!!




garantiazko maionesak
erabili.



Esne-gainak
pasteurizatuak
izan behar dute.




etiketa duten gaztak ja-
behar dira.
Gazta freskuak jatekoak ord-
erik pasteurizatuarekin eginda
izan behar dute.



ozkiak ez daitezela
skuz egindakoak izan.



Gastanbera, pasteurizatu
edo esterila izan behar du.




Entsaladak uretan e-
Ki eta ongi garbitu.




temperatura altua aise-
rantez duten kotoiak
erabili.



Erabilitako olio frijitu
aldiz iragazkian pasatu.
Olio hori ez daio 5 er-
bilera baino gehiago eman
behar. Olio aldatu.



Ez erabili ezagutzen
ez dituzten ondreak.



uda-madako
maririk ez hartu.



Hozkailuak janariak kont-
bainatu dituztenak, baina ez dituzte
hobeagotzen.
Hozkailua erabiliz gero, beti
ere, toxikazko arisku gutxiago.



osasunak,
janariarekin
eta
elikagaiarekin
erabiltzen den
jendeari garbitasuna eta
higienearekin zer ikusi
handia du.

LAN-ISTRIPUAK

NOIZ ARTE?

Tipi-Ttapako aurreko alean, inguru hontako lantoki batzuetako egoera agertzen zen, batez ere enpleguaren aldetik begiratuta.

Ondoren heldu diren lerro hauen bidez, oraindik lana daukagunok, zein egoeretan ari garen lanean, zein arrisku dauden lantegietan, osasun aldetik nola gauden langileok, eta beste abar luze bati buruz, idatzi nahi dut.

Hasteko datu batzu:


1.986. urteko lan-istripuetan hildakoen kopurua hau izango litzake:

Hego Euskadin ofizialki izan diren hildakoak, hauek dira: Estatu mailan 1.592 izan dira, 1.984. urtean (1.417) baino % 12 gehiago eta aldi berean 1.985an (1.510) baino % 5 gehiago.

Datu hauek zabaldu dituen sindikatuak dioenez hildakoen % egiterakoan, kopuru altuena, lan-maila behekoak izango lukete; aldi berean istripu arriskurik handiena daukatenak kontratako enpresetako langileak dira, gehienetan noiz behinkakoak izaten bait dira.

Lehen aipatutako datu horiek kezkatzeko moduko gauza bat adierazten digute, hau da, lanean ari diren langileen kopurua jeisten ari den bitartean, lan-istripuak eta istripu horietan bizia utzi dutenen kopurua igotzen ari dela.

Joera honek, nahiz ulergaitza izan, baditu bere esplikazioak. Alde batetik



enpresarioek lantegietako langile kopurua gutxitzen ari dira, produkzioa berriz mantendu egin nahi dute eta kasu askotan gehitu, erritmoak eta makinak abiadura igoz, honek, istripua izateko arriskua haundiagoa izaten du. Katean lan egiteak berriz, halako "stresa" eta lana ziztuan egitea sortzen du eta honek ez du inongo segurtasunik lanean sortzen.

Beste aldetik, langileok gure lanpostua erabat zalantzan ikusten dugunez eta batez ere noiz behinkako kontratoak dauzkatenek, askotan bortxaturik egoten dira enpresak erraten duena egitera, ihardunaldi luzeak egiten dituzte eta honek ere arriskua haundiagotzen du.

ZER ULERTZEN DA LAN-ISTRIPUA BEZALA

Argi eduki behar dena zera da, estadistikak egiterakoan, normalean, lan-istripu fisiko batzuk besterik ez direla kontutan hartzen, esate baterako: langile bat gruak azpian arrapatzea edo andamio batetik erortzen denean etabar. Gehienetan ez dira lan-istripu bezala sartzen (kasuren bat salbu) gure lanaren ondorio bezala gertatzen diren eritasunak eta heriotzak; hain zuzen ere, eritasun profesionalak direnak. Adibidez: bihotzeko atakeak, amiantoarekin lan egiteak erakartzen dituen minbiziak etabar.

"Aurrerakuntzaren" izenarekin aurkeztu den dizkigute teknologi berriak, baina kapitalistek irabazi haundiagoak ateratzeari deitzen diote aurrerakuntza. Ez dute begiratzen, osasun aldetik zein arrisku daukaten makina edo aparailu horiekin lan egiten duten langileek. Adibidez, frogatua dago pantaila elektronikoak erabilera luzeak pertsonen hilean eta ikusmeneak ondorio txarrak sortzen dituela, hilean erortzeak, eta baita enakume haurdunetan fetuaren deformazioak, buruko mina, nekea etabar.

Garbi ikusten dena zera da: teknika berrien asmatzaileak ez dutela kontutan hartzen asmakizun horiek langileen osasunean sor dezakeen ondorio kaltegarriak.

Gehienetan, helburua, ondasun ekonomikoak lortzea da, bestela nola daiteke horrelako "mundu aurreratu" batean lan-

gileen osasun-egoera, gero eta okerrago joatea, istripuak edukitzeko arriskuak ugartzea...

Miloi asko erabiltzen dituztela ikerketa hauetan erraten dute, baina langileen osasuna hobetzen, dirudienez, ez dute gehiegi gastatzen.

Lana katean egiteak, eta erritmo handietan aritzeak desoreka psikikoak sortzen ditu eta normalean ez dira kontutan hartzen lanaren ondoriozko eritasun bezala. Orain ez naiz sartuko hau zehaztera, baina garbi dago hau eritasun profesionala bezala hartu beharko litzatekela.

SEGURANTZA ETA OSASUNAREN ALDE BORROKATZEKO ZEIN AHALMEN DAUKATE LANGILEEK?

"Lanean Segurtasuna eta Osasunerako

MUERTO. Emeterio Lázaro Riosalido, de 58 años, falleció en accidente laboral el martes cuando al parecer trabajaba en las instalaciones de la empresa «Laminación y Derivados» de Durango.

- ☐ **ESTABA.** Jesús Jimeno, presunto receptor de los 297 millones malversados a la Armada, reconoció ayer que firmó recibos y pagó en blanco «porque era muy amigo del teniente coronel Calvete».
- ☐ **MALVERSACION.** La Audiencia de Vitoria juzgó ayer a un guardia civil por un presunto delito de malversación de fondos públicos por no pagar en gasolineras alavesas el suministro de vehículos oficiales.
- ☐ **CONDENA.** LA Audiencia de Bilbao ha condenado a 5 años de prisión a J.M.L. por un delito de robo con violencia en una tienda del Casco Viejo de Bilbao.
- ☐ **HURTO.** José Francisco A.D. denunció ayer el hurto de una cartera con 385.000 pesetas y una factura por valor de dos millones de pesetas en Portugalete.

Marratutako berri hori DEIA egunkariaren "Gertakarien" orrietan agertzen zen.

Hildakoa polizia edo enpresariorentzat izan balitz tinta eta paper gehiago erabiliko zuten.

Ordenantzak" bere lehenengo artikuluan hau erraten dute lantegietan, Segurantzarako komiteak sortu beharko dira.

Formalki, lantegietan, komite hauek sortzen dira, baina hauen funtzionapena arras formala izaten da eta langileen parte hartzea oso murrizta. Hau ez da langileen aldetik utzikeria dagoelako baizik eta gehienetan, enpresek jartzen dituzten oztopoengatik.

Lantegi handietan, lesakan adibidez, Segurantza Saileko komiteak eta baita Segurantza-komite Zentrala ere badago. Teorian erakunde hauek langileen osasunetaz eta segurtasunetaz arduratu beharko lukete, baina erakunde horiek nortzuk osatzen dute ikusi ondoren erran daiteke

EGUTEGIA

3. HILABETEAN	TETANOS	DIFTERIA	TOSFERINA	POLIO I, II y III		
5. HILABETEAN	TETANOS	DIFTERIA	TOSFERINA	POLIO I, II y III		
7. HILABETEAN	TETANOS	DIFTERIA	TOSFERINA	POLIO I, II y III		
15. HILABETEAN					RUBEOLA	SARAMPION *
18. HILABETEAN	TETANOS	DIFTERIA		POLIO I, II y III		
6. URTEKIN	TETANOS			POLIO I, II y III		
11. URTEKIN					RUBEOLA SOLO NIÑAS	
14. URTEKIN	TETANOS			POLIO I, II y III		
HELDUAK	TETANOS					

* HILABETEAN ARRISKU LARRIAN DAUDEN UMEENTZAT

Tetanos

Joan zen urtean, Nafarroan, zazpi pertsona tetanosez eritu dira, hauetatik, bi hil dira.

Tetanos eritasuna ematen duen baziloa, ugari hedatua dugu gure inguruan (lurrean, ongarrian, errautsarekin nahasia, burni erdoilduetan, etb.) gainera erresistentzia haundia du bizirik mantentzeko edozein kondiziotan.

Gizakiok, kutsatzen ahal gara, edozein zauritik. Zauriaren tamainak ez du honetan zer ikusirik, izaten ahal da edozein urratu, ohartu gabe duguna.

Kutsatzeko, arrisku gehien du-
tenak aziendekin landan aritzen
direnak dira, ongarriarekin, edo
baratzan aritzen direnak, kons-
trukzioan, mendian. Honek ez du
erran nahi bertzeok arriskurik
ez dugunik.

Tetanoseri aurre hartzeko era bakarra, indibiduala da, hau da, pertsona bakoitza ongi txertatua egotea.

Haurrari hiru hilabetetan hasten zaio txertu hau (bertze batzuekin batera), paratzen, gero eskola garaian jarraitzen zaie paratzen, oroigarri bezala. Soldaduska egin duten mutilek eta bertan txertua hartu dutenak, ongi txertatuak daude, baina kontutan eduki behar da, tetanosen aurka defentsa hauek mantentzeko, oroigarritzko dosisak hartu behar direla gure bizitzaren zehar.

Nafarroako Gobernuak, tetanosen aurkako kanpainari, hasiera eman dio, txertuak bidaliz (dohainik) herrietako osasun zentru guztietara, beraz, txertatu nahi baldin baduzu edo, ongi txertatua zauden argitu nahi baldin baduzu, joan zaitez, zure herriko erizain edo medikuengana.

Maldaerrekako Osasun Taldea.

Aspaldi zen, joan den urteko abuztuan oker ez banago, okasioa aprobetxatuz, Maitekin solasaldi luze bat egiteko aukera izan nuen. Hirugarren urtez, Estatu Batuetan drogaren inguruan dagoen mundu konplexu horri buruz, estudio bat burutzen ari zen, eta oporralditxo bat pasatzera etorria genuen Lesakara.

Ez da lehen aldia arazo honi buruz zerbait argitaratzen dela Ttipi-Ttapan, eta ziur aski ezta azkenekoa izanen ere. Asuntoari lotuz erran behar, kontsumoari dagokionez, drogarik zabalduena gure herrietan alkohola dugula, usadioz, aspalditik onartua eta erabilia gure artean. Gaur egun berriz, nolabait errateko, droga modernoagoak ere presentzia hartu dute. Zenbat aldiz ez dugu entzun, gizonezkoentzat behintzat, sekulan moz-kortzen ez dena oso oso arraroa dela. Hori marika edo tipo arraroa izanen da.... hala diote batzuk. Emakumezkoak mozkor-tzen direnean berriz.... "bertze mundu bat".

Ez dakit baina, bizimodu honekin droga eta gizakia gero eta "elkartuagoak" egonen direla susmatzen dut. Pertsonak dauzkaten/dauzkagun arazoak eta nekeziak bultzatzen diete/digute drogak kontsumitzera, menpekotasunean erori arte. Azken batean, Maitek aipatzen duen bezala, sistema honetan ez bait dago soluziorik.



T.T.- Nola hasi zinen arduratzen arazo honetaz?

M.E.- Udako Euskal Unibertsitatean soziologi atala sortu genuenean, gure gizarteak duen arazo inportante batetaz ohartu ginen; drogak hain zuzen. Drogaren egoera Euskal Herrian. Gure herriaren etorkizuna gazteen eskutan dago, eta gazte hauek, kopuru haundi batean, mundu horretan sartuta daudela. Hori zela medio hasi ginen ezagutzen ze alternatiba dauden asistentzia mailan, moduloak, baserriak, Patriarkako jendea.

Ikertzaileen formaziorako beka bati
esker, "formación de investigadores en
el extranjero" izenburua daramana hain
zuzen, zuzendu nintzen Estatu Batuetara
eta Puerto Ricora, han daukaten experien-
tzi sakona ikusirik, espezializazioa egi-
teko asmotan.

Exdrogatzaileak sortu duten modalitate batetan, "Centros Comunitarios" bezala ezagunak direnetan, jardun dut azken bi urte hauetan. Hauek, zentru erresidenzialak dira eta drogak kontsumitzen diren leku berberan (hirietan) eta baita ere leku urrutietan (mendietan) kokatzen dira. Hori dela eta zenbait aspektu ikeritzen egon naiz, hau da, ze drogazaile mota daukaten, nortasuna, klase etnikoa, zenbat urte daramaten drogarekin, klase soziala, maila kulturala, maila ekonomikoa eta ze teknika terapeutiko desberdin erabiltzen duten.... hau da, daramaten sistema asistentzialaren ebaluaketa.

Gero lan asko egin dut ere enakumeekin, beraien problematika aztertzen. Oso modu diferentean jokatzten dute gizonezko drogazaileak eta enakumezkoak. Orokorki gizon guztiak matxistak badira ere, mota hau, oraindik gehiago, eta droga lortzeko ia beti delikuentziara jotzen dute.

Emakumezkoak berriz, oso pasiboak dira eta gehienetan prostituziora jotzen dute behar duten dirua lortzeko. Horrez gain, teknika sanitariotan ez dituzte gogotan hartzen emakumeen problematika berezia eta emakumeek, gizonak bezala bere behar konkrituak dituztela.

T.T.- Zer ulertzen duzu drogaz hitzegiten
duzunean?

M.E.- Batzuentzat, drogak dira ilegalitate baten bidez lortzen dituzun produktok, eta legearen barnean lortzen dituzunak (errezetarekin adibidez) ez dira drogak.

Onsek dienez, drogak dira zure gorputzean sartu ondoren, aldaketa batzuk sorrerazten duten substantziak, alkohola, tabakoa, heroina, medikamentuak...

T.T.- Jakina da interes asko daudela arazo honen atzetik eta interes ekonomikoak eta politikoak nahasita daudela ezta?

M.E.- Bai, Estatu Batuetan adibidez, kalkulatua da bakarrik %10 harrapatzen dutela. Hemen berriz oso gutti harrapatzen dute, eta horrek erran nahi du, asko sartzen dela.

Guztiz adierazgarriak dira adibidez, Puerto Ricoko eta Euskal Herriko egoerak, interes politikoak, zapalkuntza nazionala eta guzti honen gainetik interes ekonomikoak daude. Puerto Ricon hemen bezala, burruka armatuaz baliatzen dira. Hona exenplu bat: Colombian koka kilo bat 3.500 dolar kostatzen da. Estatu Batuetan berriz, kilo horrekin 8 egiten dituzte eta kilo bakoitza 60.000 dolarretan saltzen dute, hau da, 7.800.000 pzta. Erorketak oso arraroak dira eta normalean bi banden arteko borrokaren ondorioz (elkar salaketa) gertatzen dira. Hemen berriz badirudi banda baten esku dagoela guztia eta horregatik ez da egoten erorketarik.




T.T.- Euskal Herrira pasatuz, nola ikusten duzu arazo hau?

M.E.- Alkohola da drogarik eratuenen Euskal Herrian; egunero hartzen dutenak, aste buruetan, alkoholiko susmagarriak, gero porroak, anfetaminak, aluzinojeneroak, heroina, kokaina... Hau da, guztiz onartua dago alkohola gure artean eta neurri handi batean ere porroa, kokaina, eta txarra bezala bakarrik heroina.

T.T.- Zergatik dago holako permisibitatea?

M.E.- Nik ez dakit, baina beldurgarria da hortan erortzea, ez izatea kontzientekoak problemari buruz, eta ez dut erraten dramatizatu egin behar denik edo mor-

bostasunarekin aztertu, baizik objektiboki, problemari ihes egin gabe, eta horrez gain zeharo desberdina baita 20 urteko gazteak edatea edo erretzea edota 12-14 urteko gazteak egitea. Lehenak pertsona ia helduak badira bigarrenak berriz arrisku handiagoa dute drogara jotzea urte hoietako "crisis de adolescencia"ri eta beste hainbat arazori ihes egiteko.




T.T.- Ze alternatiba planteatuko zenuke arazo honen aurrean?

M.E.- Orainarte nire ikerketan ikusi ditudan guztiak aztertu ondoren, gero eta guttiago sinesten dut alternatiba asistentzialetan, hau da, "centro comunitario" etan, moduloetan, e.a., eta arazoak sinple bategatik, adibidez; pentsa ezazu nik 35 urte ditudala eta 12 urtetatik bizimodu bat egin dudala eta drogazaila naizela. Urte guzti hoietan drogaren munduan sartuta egon naizela, giro konkretu batean, jantzeko modu batean, bizitzeko modu batean, delikuentzia, prostituzioa... eta zentru hauetan egiten dena zera da: pertsona hori hartu eta bertze mundu arrotz batean sartu, bertze giroan e.a. eta azken finean pertsona hori ez da laketzen giro horretan, bere mundutik atera eta gure gizartea eskeintzen zaio-lako eta honek ez diolako ezer aporteratzen.

Nire ustez alternatiba prebentzio aldeetik etorri behar luke, haurtzarotik hasita aldaketa batzuei eman behar dira, azken batean erboluzio kultural bat egin behar da. Familia, gure arteko komunikazioa... gizarte konpetitibotik alde egiteko, sistema honetatik.

HERRIKO GAZTEAK NUN ?



Ondo dakigu, gizarte kontsumistan murgildurik aurkitzen garela, eta gazteoi ere hortxe bizitzea dagokigula, ondorio diren lanik eza eta eskasia ekonomikoak inguraturik. Guzti horrek etsipen eta nazkara darama, handiagoetara joanik, gazterik ahulenak drogak eta delinkuentziak jotzen ez dituenean.

Giro honetan, sistemak eskeintzen digun asti-orduetarako aukerari alternatiba bilatzeko sortu dira, herri eta auzoetan, Gazteen Asanblada edo elkarteak, zein helburu jartzen duten Udalen esku-tik gazte guztientzako izango diren topalekuak, eta asti-ordu alternatiboak, hitz batez, GAZTETXEAK.

Alderdi guztiek egiten zuten beren egitarauan gaztetxeen aipamena, baina alderdi horiek jokabide ezaguna daramate eta ez dute nahi gazteria kontrolpetik joan dakien.

Gazteen Asanbladak sortzean ikusi da (hau da GAZTETXEEN aurreritzi eta helburuen arabera presio taldeak sortzean) gazteriaren arazoak aztertzeke alderdi horiek erakutsi duten gogo epela. Udalen aldetik eman den "burugogorkeriak", gazte askoren adorea deuseztu du, gazteok, ekimen eta ekintzak ezin aurrera eramanik aurkitu direnean. Badira gazteak, ordea, erreguka aritzeaz asperturik, exijitzeari, burrukatu eta benetako gazteen etxeak, gazte kulturarako egoitzak eskuratzeari ekin diotenak.

Nere ustez, Herri Batasunak, Udaletatik, modu sortzaile eta parte hartzailez jokatu behar du GAZTETXEETAN, antolaketa nahiz zuzendaritza gazteek seinalatzen dutelarik. Urterako ekintzen egitaraua aurkeztu ondoren, Udalak lagundu "behar" ditu diruz GAZTETXEAN diharduten lan batzorde eta gazte taldeen lanak. Udaletxeak onartu behar ditu, "baita ere", herriko gazteari erantzun liezaiokeen GAZTETXEA eraikitzeke aurrekontu bereziak.

Beharrezkoak gaztetxeak?:

GAZTETXEA udalaren tokia da, gazte guztientzako, gazteak artekatzen duten lekua. GAZTETXEAK, galdu egin behar du zenbait herritan ezarri zaion erakunde

Ikaskuntza eta sormenarako barruti, gazteriaren kulturarako formak adierazteko bide izan behar du. Hala irudimena nola asmatzen, era berezi eta apartekoan garatzeko lekua, ekintzen planifikatzaile zein aurrera eramaitze bidea delarik. Elkarbizitzarako hezkuntzan trebatzeko oinarri, antolaketaarako hezkuntzan aurreratzeko leku eta, azken finean, arazoak bakarka gabe kolektiboki konpontzen ikasteko egoitza. Baita gazteriaren problematika nahiz gazteek berre buruzko aukerak bilatzeko barruti behar du.

Gazteen ghetto bilaka ez dadin, herri gizarte ekintza nahiz kulturalak gauzatu behar ditu, bai gazteek pentsatu edo egiten dutena aldarrikatzeko, bai inguruetan lanean, burrukan dabiltzan gainerako talde eta elkarteekin harremanetan jartzeko.

Lehen erran duten bezala, egoitza ho-
ren funtzioa, ekintzak garatzea litza-
teke, batetik, eta gazteak elkar aurki-
tzea, bestetik. Modu horretan, orain
ekintza iraunkorrak, orain denboraldi-
koak (ibilaldi, asanbladak) antolatzea
posible izango litzateke. Gaztetxeki-
deek, beti ere, seriotasuna eta araudi-
aren betetze zintzoa behar-beharrezko
lituzkete, gazteriaren egoitzarik ezak
beharturik gaztetxera joanda, leku pasi-
bo eta arazoetatik ihes egiteko bilaka
ez dadin.

"Eman egurra gazte, lortu arte."

J. Etxebel tzea

Jo Ta Ke
gaZtetxeaK
lortu arte!



A black and white photograph of a man in a white shirt and dark trousers, kneeling on a wooden floor, working on a large wooden beam. He is using a hand plane to smooth the surface of the beam, which is supported by a large wooden block. The floor is covered with wood shavings and debris.

Gutti dira dagoeneko saskigintza ogi-
bidetzat daukatenak.

Hagitz estimatua dago, egia errateko, lan hau. Baina, estimatzetik horretara dedikatzeraz anitz doa. Denbora batean ezinbestekoak baziren lan honekin egiten ziren tresnak orain plastikoa edo poli-esterra dira beren etsaiak. Jakina, merkeagoak dira eta honek adina irauten dute.

Ba, saskigilerik gazteena delako Igan-
tzin (Beraz, izango den azkenekoa ziu-
raski) eta bere bizia lan horretatik
ateratzen duelako soil-soilik. 44 urte
ditu eta dagoeneko 30 lan honetan. Bai-
na, berak emango digu hobekien honen
berri.

Galdera: Zein adinetan hasi zinen saskiak eqiten?


Erantzuna: Ia ia haurra nintzelarik zen-
bait gauza egiten hasia nintzen baina
lanean 14 urte inguru nituelarik, nere
anaiekin hasi nintzen, Eleuterio eta
Batistarekin.

G: Aunitz kosta al zitzaizun saskiak
behar bezala egitea?

E: Gutti gora behera lauren bat urte pasatu behar izan nituen jo ta ke lanean planta xamarrean egiteko saskiak. Dena den eta Antxordokik erraten duen bezala (Antxordoki Igantziko saskigile famatua da) egunero zerbait ikasten da.

Horretarako Karmelo Mikelenarengana
jo dugu. Zergatik jo dugun beregana?

G: Zer saski mota egiten zenituzten orduan?



E: Orduan ez ziren adornotako edo egurra eramateko saski bitxiak egiten. Gehien bat garraiatzeko saski haundiak edo astoentzako saskiak egiten ziren.

G: Zein gai erabiltzen dituzu?

E: Betidanik gai nagusia gaztaina izan da baina bertze gai batzu ere erabili izan dira: Urritza, eltzaurra, haritz amerikanoa etab... (azken hau hagitx gutti). Erran bezala gaztaina da nagusi.

G: Beraz, lehendabiziko mendira joan behar, ezta?

E: Bai, halaxe da. Denbora batean erraz aurkitzen ahal zen gaia. Orain, aldiz, gaztaina eskin batzutan bertzerik ez dago. Gaitza bat jotzen ari zaio azken urte hauetan eta hagitz murriztuta dago.

Gaia zazpi urte ingurukoa behar du izan eta lehendabiziko puja bertzerik ez da probetxagarri, hau da, gaiak ezin du adarbegirik izan, bertzela puskatu egiten baita zumitza ateratzekoan.

G: Eta gaia etxean dagoenean zer egi-
ten duzu, lanean hasteko prest al dago?

E: Bai, gaiak bere hezetasuna (behar beharrezkoa da) hilabete terdi altxatzen du. Ondoren uretan sartu egin behar bertzela puskatuko bait litzateke. Hemen uretan sartzen da baina busti gabe hezetasun hori altxatzeko modua izanez gero hobea da, urak zumitza iluntzen baitu.


G: Zertarako berotzen duzue gaia?

E: Ezinezkoa da bertzela zumitza ateratzea. Guk labean berotzen dugu baina aditu izan dut zenbait lekutan uretan berotzen dutela. Hemengo saskigileak labe bat daukagu etxean lan hori betetzeko. Gaiak ordu edo ordu terdi pasatzen du barruan (loditasunaren arabera) eta prest egonen da zumitza ateratzeko.

Lan zaila da gainera aria behar beza-
la eraman behar delako.

Zumitza atera ondoren oraindik hazia pasatu beharko diogu bere bi aldeak leun-leunak gelditzeko. Lan hau ere garrantzitsua da itxura handia ematen bait dio saskiari. Sumitza behar bezala gurutatu eta prest egonen da saskia.

Oskar



Bortzerri, (?)

Bortzerriak

Bortziri, (?)

Bortziriak



Badirudi gure artean badagoela halako joera, herriak dioena guttiesteko, herriak erabiltzen dituen hitzak aldrebeskeriatzat hartzeko, herria arlotetako edukitzeko.

Errate baterako, erdaraz "LA REGATA" deitutako lurraldea izendatzeko, nik ttiki ttikitatik (sortzez hangoa bainaiz) beti MALERREKA entzun nuen nere guraso edo herritar adintuen ahotik. Baina orain dela hamarren bat urte hasi ziren sasijakintsu batzuk erranez, MALERREKA gaizki errana zegoela, herriak gaizki erraten zuela eta, lurralde hori maldatsua denez, berez MALDA ERREKA behar omen zuela, herriak batetik "D" letra jan zuelakoz eta bertzetik A+E.E bihurtu delakoz. Litekeena da, baina nik dakidanez ez dago frogarik hori baieztatzeko ezta ukatzeko ere.

Baina interpretatzen hasiz gero, bertze interpretapenak ere egin genitzake, errate baterako, MALA ERREKA izan daitekeela antzemanaz. Azkuek eta P. Mujika-k beren hiztegieta diotenez MALA hitzak "tierra arrastrada por un torrente" edo "tierra de aluvión" erran nahi omen du. Hemen ere ez daukagu froga ziurrik baieztatzeko ezta ukatzeko ere, baina guttienez etimologi hori ere litekeena litzateke.

Zer erran nahi du honek? Herriak dioena aldatu eta era berriak sartzen hasteko, era berri horiek guttienez dokumentaturik egon behar luketela; bertzela gu ez gara inor interpretapenak eginez herriak dioena aldatzeko. Eta nik dakidanez, oraindik ez da inon aurkitu dokumentaturik toponimo hori ez modu batera ez bertzera. Koldo Mitxelena-ri galdetu nion behin batean



Afera, bada, ez dago ea -ERRI ala -IRI erabili beharko litzatekeen, baizik ea BORTZIRI ala BORTZIRIAK erran behar den. Eta nere ustez dudarik ez dago BORTZIRIAK erabili behar dela eta ez BORTZIRI. Zergatik? Erran bezala, herriak gaur ere pluralean erabiltzen duelakoz eta gure aintzina-koek ere pluralean erabiltzen zutelakoz.

Izan ere, F. Idoate-k bere "Rincones de la Historia de Navarra" liburuan (ikus 3. tomoa 260-262 or.) erraten digunez, 1615.urtean Bera herriak Lesaka auzitara eramán omen zuen (beharbada auzi honen berri emanen dugu hurrengo batean). Auzitegiak azkenean Berari arrazoi emanez erabaki hau hartu zuen, hala nola, handik antzina ez zitzaiola "LESAKAICO BORZ IRIAC" deituko (lesakarrek nahi zuten bezala), baizik "BORZ IRIAC" soilik edo "BORZ IRI NAFARROACOAC". Hemen interesatzen zaiguna zera da: lehen ere ez zela BORTZIRI singularrean erabiltzen, BORTZIRIAK pluralean baizik.

Eta lehen horrela erraten bazuten eta gaur ere herriak pluralean erraten badu, penagarri litzateke bati edo batzuri alda keta hori egitea gogoratu zaielakoz, tradizioaren eta herriaren kontra joatea. Uste dut errespetu gehixeago erakutsi behar geniokeela herriari. Agian oraindik tenorez gaude okerra zuzentzeko izendapen hori herrian gehiago sartu baino lehen, bertzela, urte guttien buruan MALERREKA-keraman duen bide bera eramanen du eta orduan beranduegi izanen da zuzenketak egiten hasteko. Hortaz hemendik dei bat egin nahi nieke aldaketa hori egin duten pertsonen eta onartu duten erakundeei.

P.I.




Berrizaun.

rrez zuen artean, baina tira! orain gure
 honeraino ailegatu arteko bidaia konta-
 tzen segituko dugu: orain dela bi hila-
 bete hodeietan geunden lasai lasai gure
 lagunekin baina Afrika aldeko lurraldee-
 tan izugarrizko lehortea izan zen, beraz
 han barna zebiltzan ur-ttanttak gurega-
 naino etorri ziren eta hodeietan pisu
 gehiegi zegoenez gutariko batzu lurrera
 erori ginen. Gu, Maldaerreka aldeko itu-
 rritxo batetara ailegatu ginen. Zuek
 ongi dakizuenenez depositotik etxeetako
 edo kasu honetan ostatuko txorrotatara
 pasatzen gara eta txorrotatik edalon-
 tzira. Hemendik aintzina gertatutakoa
 oso ongi ezagutzen duzue beraz eskatzen
 dizuegun gauza bakarra aurrerantzean
 kontu haundiagoz ibil zaitezten munduan
 zehar da, ze bertzela denak porrot egi-
 nen bait du zuek deustaz konturatu gabe.

Denok ahozabalik geundelarik bidaia
segitu behar zutela erran ziguten; se-
gidan "O" bere lagun "H" bixkiekin el-
kartu zen berriro eta ur-ttanta osatu
ondoren agur erranez desagert ziren.

ANA



AÑA MAIALEN

Aña Maialenen eskuak mehe eta zimurrak ziren, baina hala ere bixkor mugitzen zituen edozein lanetan hasten zelarik. Begiak berriz, sudur konkorr baten gaineko aldean beltzak eta ttiki ttikiak ziren. Ez zen gorputz haundikoa Aña Maialen, ez, bere arropa ilun eta haundietan jantzia zer bait iduri zuen, baina gaineko aldetik lepo mehe bat ageri zen eta azpiko aldetik gona haundiaren tartetik eta kalotzetan sartuak ikusten ziren bi makil beltz bezalako hankak.


Aña Maialen bakarrik bizi zen, gaztetan hil zitzaion senarra seme alabarik utzi gabe eta ordutik berak bakarrik aurrera jo zuen bizitzaren gaizkitasunari alde eginez. Bazuen bere baratze txikia baina ongi zaindua eta bazituen ere oiloak eta lapinak. Arras maite zuen mendian barna ibiltzea eta mendiko lore, belar eta xixa guztiak ezagutzen zituen.

Herriko jendeak maite zuen Aña Maialen gauza guztietarako prest izaten zelako: andre batek haurra izateko tenorean han izanen zen Aña Maialen bizi berri hura mundura etortzera laguntzeko; eliza garbitu behar zelarik Aña Maialen lehendabizikoa izaten zen; neguan Aña Maialen harat eta hunat ibiltzen zen etxe guztietako zerri hiltzeko mondongak egiten; matalazak arrotu behar zilerarik etxekoandreek Aña Maialen deitzen zuten laguntzeko...

Ni ere Aña Maialenen eskutan sortu nintzen. Eta ez prezisko horregatik, baina



andre xahar harek bazuen nere ¹botzean
toki goxo bat egina. **H**aurra nintzelarik,
noiznahi joaten nintzen bere etxera eta
hantxe gustura egoten nintzen Aña Maiale-
nen historioak aditzen; galdetzen nion
ia zergatik ziren paretatik zintzilika
ziren osto multzu haiek; laguntzen nion
oilo bazkatzen... eta azkenean Aña Maia-
lenek, gaztain edo galtxaur batzuk ematen



zizkidan eta etxera bidaltzen ninduen.

Aldi batzuetan, arto bihitzeko lana haundia zelarik, Aña Maialenek gure etxean pasatzen zuen gaua laguntzeko asmotan eta gau hauek dire nere haurtzaroko oroitzapen hoberenak: kanpoan sentitzen zen nola haizeak panpatzen zituen zuhaitzaren adarrak bat bestearen kontra; sentitzen zen ere haizearen oihu ilun eta trixtea, otsoaren negarrari irudia; eta gu hantxe, etxe barnean, sukaldeko supazterraren goxokiaren inguruan jarriak eta gure inguruan berriz iluntasuna jarria. Eta denen gainetik ixiltasuna, ixiltasuna bakarrik hautsia kanpoko haizearekin, edo harot bihitze "kra, kra..."-rekin. Orduan nik esaten nuen:

"Aña Maialen, hixtorio bat"

Eta Aña Maialenek altxatzen zuen aurpegia, begiratzen ninduen eta irritxo bat egin ondoren, berriz jausten zuen aurpegia eta arto buruari begira hasten zen solasean, manutxo:

"Bai, esaten zuten aldi batez bi neska mendira joan zirela..." eta orduan ni ahazten nintzen artoez eta Aña Maialeni begiratzen nion zozotua bezala, "... gaua gainera etorri zitzaioten eta bidea galdu zuten..." Orduko ia nik, begiak zabal zabalik, bakarrik bi neska mendian ilun tasunean galduak ikusten nituen

"... eta agertu zitzaieten andre zaharra, hasi zen laisterka malda goiti, malda behiti, eta bi haizpak haren ondotik ezin segituz..."

Aña Maialenen eskuak segitzen zuten "kra, kra" arto bihitzen baina bere ezpainak iduri zuten ez zirela mugitzen. Hala ere nik bere hitzak aire harrapatzen nituen

"... eta ondarrean andre hura suntsitu

zen eta leku hartan musika bezala aditzen omen zen. Segitu zuten aintzinaxago eta



orduan ikusi zituzten hainbeste sorgin dantzan su handi baten inguruan..."

EZ, gure suaren inguruan ez zen sorginik, nere gibeledko iluntasunari begiratzen nion eta ezta ere, ez nuen andre zaharrik.

"... biharamunean itzarri ziren leze ondoko leku batean, eta ez zuten jakin egia ala amets bat izan ote zen."

Orduan ni hasten nitzen nere galderekin,

"Aña Maialen, zuk uste duzu hori egia izanen zela, ala ametsa?; Aizu, eta sorginak ez ziren ohartu han zirela bi neskak?; Gaur egun ez da sorginik izanen, ez da hala?"

Huntan aita sartuko zen:

"Bainan haurra, zaude ixilik, hobe zenuke lan gehiago egin eta solas guttiago."

Eta amak berriz esanen zion Aña Maialeni: "Ez ezaiozula gehiago hixtoriorik kontatu, aski txoriburu da berez."


Baina berdin izanen zen, Aña Maialenek segituko zuen bere hixtorioekin eta ni, lorietan, aditzen.

Goiz batez, norbaitek esan zuen Aña Maialen ez-ongi zela. Ilunabarreko hil ezkila, bere danda trixteekin, jotzen ari zen.

Hauek dira nere Aña Maialenen azkeneko oroipenak.

Zugarramurditik





Kepari

... amets... amets bidean... haseran... bukaeran...erdian... erdiaren
 bukaeran... aldiro... maiz... sarri...amets... ezezagun...ixil...edonola-
 ko...eguzkiak bere azken izpiez Fraingo malkarrak...aldatz muturreko ota-
 dien lore horiak...Aginako leizeetan amildu aurretik emeki laztantzen...
 balakatzen...musu arin hutsa...dituelarik... ibar izkutatu...here...sor-
 ginduak mendi zokoetatik orotarar begira hasten direlarik...hedatzen...
 zabaltzen...herrian mamu ilunak asfaltoan erraldoitzen doazelarik...xo-
 riak bere habi xumean, bere errailetatik ateratako...sortutako... nekez
 ebatsiriko arima xuriak berotu nahirik..., kizkurtzen delarik...zeru...
 izar...ilargi...lehen...atzo...herenegun...Belheioris-ek errepideko edon-
 tzi beltzetan utziriko edanetan...aurpegi...tximak...garbi...ikus...
 orrazten dituztelarik...nire eskuetan,...urteetan zehar lorontzian amo-
 rosoki hazitutako lore...zoli...eder...xarmanta daukadalarik...bere orri-
 txoak...nire laztanak...nire irriak haren loratze harrigarriak...zure
 aurpegia gelaren orma begietan...iruzkatzen...gauzatzen...delarik...zure
 ezpain leunen altzotan babesten naizelarik...begiak hertsirik...haietan
 kurruskaturik...ene sakonetatik...sustrai...munetatik...doinu zaharraren
 ...urratsak...lehen notak... sorturik... izadiak iresten nauelarik...
 egaz...egaz...egaz...azkar...doa... Udaberrian izana... orain orbel...
 ondakin...zabor...sats...osto zimur hauskorra...lurrarekin bat egitera...
 gorpu...ilhotz...bilakaturik...etorririk...azken bidaiarako beztiturik
 ...guztia amaiturik...bukaturik...itsuturik...Xorroxin xokoan aparra
 deuseztatzen delarik...ixil...urrun...barnean...

Manu



TTPI-TTTPA

- Eta gizon batek galdetzen dio korrika
doan bati:

- Zer gertatuko da ba, "Hirubelarrik" hiru belarri dauzkatenari moztu egiten dizkiola.

- Ez, baina moztuta gero kontatzen ditu. Ikusiko duzu ez bazara mugitzen....

• • • • •

- Ez daqo inor

- Eskerrak ez naizela etorri.

.....

- Ama, zuk non ezaqutu ninduzun?

• • • • •

- Hori ez dakizu ba? ahoa urez bete ezazu eta saia zaitez hitzegitera. Iku-siko duzu.

Etzetik atera zen
bai ehiztaria
pardel txiki batean
hartuta eguneroko janaria.
Goizuetatik Aranatzera
egin zuen bere ibilaldia
zestua bizkarrean,
eskopeta berriz, besoetan jarria
basurdea ikustean
hura zen pasa zuen larria
atzetik uso bat pasa...
- Agur gizon nazkagarria,
ez al dakizu usoa
dela pakearen oroigarria?

Kolejioan baditugu
moteak denontzat jarriak
oilasko, koneju, hontza
arratoi eta txerriak
batzuek hortzak haundiak
besteak izugarrizko belarriak
denak juntatzen direnean
ematen dute oihanako animaliak
hemen ehiza ederra egingo lukete
Oronozko ehiztariak.

PLANETA



amaiera

